

საქართველოს რეგიონული განვითარებისა და ინფრასტრუქტურის სამინისტრო



საქართველოს რეგიონული განვითარებისა და
ინფრასტრუქტურის სამინისტროს შენობების
დასრულების სამუშაოების მომსახურების
გამარტივებული ელექტრონული ტენდერის
საშუალებით (CPV-45400000) შესყიდვის

სატენდერო დოკუმენტაცია

ქ. თბილისი
2016 წელი

სარჩევი

1. ინსტრუქცია ტენდერში მონაწილეთათვის -----	3
2. ტექნიკური დოკუმენტაცია -----	4
3. სახელმწიფო შესყიდვის შესახებ ხელშეკრულების პროექტი -----	8
4. დამატებითი ინფორმაცია -----	11
5. დანართი №1 რეკვიზიტები -----	12
6. დანართი №2 ფასების ცხრილი -----	13
7. დანართი №3 აფიდავიტი -----	14

1. ინსტრუქცია ტენდერში მონაწილეობისათვის

1.1. გამარტივებულ ელექტრონულ ტენდერში მონაწილეობისათვის – იხილეთ ვებ-გვერდზე procurement.gov.ge:

ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;

ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.

1.2. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.

1.3. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში (დანართი №3), სატენდერო წინადადების წარმოდგენამდე.

1.4. ერთიან ელექტრონულ სისტემაში ასატვირთი ყველა დოკუმენტი ბეჭედდასმული და ხელმოწერილი უნდა იყოს უფლებამოსილი პირის მიერ.

1.5. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ფასების გაანგარიშება ვაჭრობის შედეგად დაფიქსირებული საბოლოო ფასზე (პირველი შემოთავაზების შემდეგ ფასის შეცვლის შემთხვევაში), რომელიც წარმოადგენს ხელშეკრულების განუყოფელ ნაწილს.

2. ტექნიკური დოკუმენტაცია

2.1. პრეტენდენტმა ტექნიკური დოკუმენტაციით, სახელმწიფო შესყიდვების ერთიანი ელექტრონული სისტემის მეშვეობით უნდა წარმოადგინოს შემდეგი დოკუმენტები:

- ა) რეკვიზიტები წინამდებარე სატენდერო დოკუმენტაციის დანართი №1-ის მიხედვით;
 - ბ) ფასების ცხრილი დანართი №2-ის მიხედვით;
 - გ) ინფორმაცია არის თუ არა პრეტენდენტი დღგ-ს გადამხდელი სსიპ „შემოსავლების სამსახურის“ მიერ დადასტურებული ფორმით (ინფორმაცია გაცემული უნდა იქნას წინამდებარე გამარტივებული ელექტრონული ტენდერის სახელმწიფო შესყიდვების ერთიანი ელექტრონულ სისტემაში განთავსების შემდგომ);
 - დ) ინფორმაცია შესყიდვაში მონაწილეობის მსურველი პირის მიერ არანაკლებ 1 წლის მანძილზე გაწეული ანალოგიური მომსახურების გამოცდილების შესახებ.
- ინფორმაცია წარმოდგენილ უნდა იქნას ქვემოთ მოცემული ცხრილის შესაბამისად:

№	მომსახურების დასახელება	შემსყიდველის / დამკვეთის დასახელება	ხელშეკრულების/მომსახურების ღირებულება	ხელშეკრულების/მომსახურების განხორციელების ვადები
1				
2				
და ა.შ.				

ე) ტენდერში მონაწილეობის მისაღებად პრეტენდენტს 2015 წლის 1 იანვრიდან წინამდებარე გამარტივებული ელექტრონული ტენდერში სატენდერო წინადადებების მიღების ვადის დასრულებამდე შესრულებული უნდა ჰქონდეს შემსყიდველის სატენდერო დოკუმენტაციით გათვალისწინებული ანალოგიური ხასიათის სირთულისა და შინაარსის სამუშაოები მოცულობით არანაკლებ 50 000.00 ლარის ოდენობისა. აღნიშნულის დასადასტურებლად პრეტენდენტმა ერთიანი ელექტრონული სისტემის საშუალებით ტექნიკურ დოკუმენტაციასთან ერთად უნდა ატვირთოს დამადასტურებელი დოკუმენტაცია (გაფორმებული ხელშეკრულებები და შესრულების დოკუმენტები (მიღება-ჩაბარების აქტები ან სხვა)).

2.2. სატენდერო წინადადების ფასი:

2.2.1. სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული მომსახურების გაწევასთან დაკავშირებული ყველა გადასახადის გათვალისწინებით, დღგ-ს გარეშე.

2.2.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

შენიშვნა: პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა ის დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი

ორგანიზაცია ხელშეკრულების ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნის შესაბამისად.

2.3. ანგარიშსწორების პირობები:

2.3.1. ანგარიშსწორება მოხდება უნაღდო ანგარიშსწორებით ლარში.

2.3.2. ანგარიშსწორება მოხდება გაწეული მომსახურების შესაბამისად, მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში.

2.3.3. წინასწარი ანგარიშსწორება (ავანსი) არ გამოიყენება.

2.3.4. ანგარიშსწორება განხორციელდება დასრულებულ სამუშაოებზე სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნის საფუძველზე (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი).

2.3.5. მიმწოდებელი ვალდებულია შესრულებული სამუშაოს მიღება-ჩაბარების აქტის გაფორმებამდე და სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნის წარმოდგენამდე შემსყიდველს წერილობით წარმოუდგინოს შესრულებული სამუშაოს აქტი ფორმა №2 დამოწმებული უფლებამოსილი პირის მიერ.

2.4. შესყიდვის ობიექტის ტექნიკური დავალება:

შესყიდვის ობიექტი: საქართველოს რეგიონული განვითარებისა და ინფრასტრუქტურის სამინისტროს შენობების (მისამართები: ქ. თბილისი ალ. ყაზბეგის №12 და დიღმის მასივი, მე-3 კვარტალი, კორპ. №2) დასრულების სარემონტო სამუშაოები.

შესყიდვის სავარაუდო ღირებულება: 38 000.00 (ოცდათვრამეტი ათასი) ლარი დღგ-ს გარეშე.

CPV კოდი – 45400000, 45410000, 45420000, 45430000, 45440000, 45450000.

შესყიდვის ობიექტის ტექნიკური დავალება:

- საერთო დანიშნულების სველ წერტილებში ვენტილაციის, შეკიდული ჭერებისა და განათებების შეცვლა-მონტაჟი;
- დაზიანებული კაფელის, მეტლახის, უნიტაზების და ხელსაბანების შეცვლა;
- დაზიანებული კარ-ფანჯრების შეკეთება/შეცვლა;
- მცირე მოცულობის სამღებრო სამუშაოები;
- იატაკზე დაზიანებული კერამოგრანიტის ფილებისა და ლამინატის შეცვლა და შენობის დასრულების სხვა სამუშაოები;
- დიღმის მასივში მდებარე შენობაში, სამღებრო სამუშაოები;
- სამედიცინო კომისიის ოთახში ტიხრების მოწყობის სამუშაოები;

- დაზიანებული ჭიშკრის შეკეთების სამუშაოები და სხვა.

შესყიდვის ობიექტის დეტალური ტექნიკური დავალება, აღწერილობა და მოცულობა: ტექნიკური პარამეტრები, სრული აღწერილობა და ჩამონათვალი მოცემულია თანდართული დანართების (ექსელის ფაილი (ფასების ცხრილი) და PDF (დეტალური ტექნიკური დავალება) სახით.

შენიშვნა: სარემონტო სამუშაოებისას გამოყენებული ყველა მასალა წინასწარ შეთანხმებული უნდა იყოს შემსყიდველ ორგანიზაციასთან.

2.5. გასაწევი მომსახურების ფასების ცხრილი:

2.5.1. პრეტენდენტმა უნდა წარმოადგინოს გასაწევი მომსახურების ფასების ცხრილი დანართი №2-ის მიხედვით.

2.5.2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, დღგ-ს გარეშე.

შენიშვნა: იმ შემთხვევათი თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის წერილობითი მოთხოვნის შემდგომ, არაუმეტეს 7 (შვიდი) სამუშაო დღის ვადაში, პრეტენდენტმა უნდა უზრუნველყოს ფასწარმოქმნის ადეკვატურობის დოკუმენტის - სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნა (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი) წარმოდგენა, რომლითაც დასტურდება პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა.

2.6. გასაწევი მომსახურების ვადები და ადგილი:

2.6.1. გასაწევი მომსახურების გაწევის ვადაა - 2016 წელი, ხელშეკრულების გაფორმებიდან 50 კალენდარული დღის განმავლობაში.

2.6.2. მომსახურების გაწევის ადგილი: ქ. თბილისი ალ. ყაზბეგის №12 და დიღმის მასივი, მე-3 კვარტალი, კორპ. №2

2.7. პრეტენდენტის მიერ ერთიან ელექტრონულ სისტემაში ასატვირთი მონაცემები:

- ა) პრეტენდენტის რეკვიზიტები დანართი №1-ის მიხედვით;
- ბ) ფასების ცხრილი №2-ის მიხედვით;
- გ) ინფორმაცია არის თუ არა პრეტენდენტი დღგ-ს გადამხდელი სსიპ „შემოსავლების სამსახურის“ მიერ დადასტურებული ფორმით (ინფორმაცია გაცემული უნდა იქნას წინამდებარე გამარტივებული ელექტრონული ტენდერის სახელმწიფო შესყიდვების ერთიან ელექტრონულ სისტემაში განთავსების შემდგომ);

დ) ინფორმაცია შესყიდვაში მონაწილეობის მსურველი პირის მიერ არანაკლებ 1 წლის მანძილზე გაწეული ანალოგიური მომსახურების გამოცდილების შესახებ.

ინფორმაცია წარმოდგენილ უნდა იქნას ქვემოთ მოცემული ცხრილის შესაბამისად:

№	მომსახურების დასახელება	შემსყიდველის / დამკვეთის დასახელება	ხელშეკრულების/მომსახურების ღირებულება	ხელშეკრულების/მომსახურების განხორციელების ვადები
1				
2				
და ა.შ.				

ე) ტენდერში მონაწილეობის მისაღებად პრეტენდენტს 2015 წლის 1 იანვრიდან წინამდებარე გამარტივებული ელექტრონული ტენდერში სატენდერო წინადადებების მიღების ვადის დასრულებამდე შესრულებული უნდა ჰქონდეს შემსყიდველის სატენდერო დოკუმენტაციით გათვალისწინებული ანალოგიური ხასიათის სირთულისა და შინაარსის სამუშაოები მოცულობით არანაკლებ 50 000.00 ლარის ოდენობისა. აღნიშნულის დასადასტურებლად პრეტენდენტმა ერთიან ელექტრონული სისტემის საშუალებით ტექნიკურ დოკუმენტაციასთან ერთად უნდა ატვირთოს დამადასტურებელი დოკუმენტაცია (გაფორმებული ხელშეკრულებები, შესრულების დოკუმენტები (მიღება-ჩაბარების აქტები ან სხვა)).

შენიშვნა: ერთიან ელექტრონულ სისტემაში ასატვირთი ყველა დოკუმენტი ბეჭედდასმული და ხელმოწერილი უნდა იყოს უფლებამოსილი პირის მიერ.

3. სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

თბილისი

-----2016წ.

საქართველოს რეგიონული განვითარებისა და ინფრასტრუქტურის სამინისტრო, მინისტრის მოადგილის ----- სახით, შემდგომში – შემსყიდველი, ----- (მიმწოდებლის დასახელება და რეკვიზიტები), შემდგომში – მიმწოდებელი, მეორეს მხრივ, სახელმწიფო შესყიდვების შესახებ კანონისა და ----- (მიმწოდებლის დასახელება და რეკვიზიტები) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. ----- (ხელშეკრულებით გათვალისწინებული შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დოკუმენტაციის 2.4. პუნქტში მოცემული ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს) – შემდგომში მომსახურება.

მუხლი 2. ღირებულება და ანგარიშსწორების წესი

2.1. ხელშეკრულების მთლიანი და ჯამური ღირებულება საქართველოს კანონმდებლობით გათვალისწინებული გადასახადების ჩათვლით შეადგენს ----- (თანხა სიტყვიერად) ლარს.

2.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.3. შემსყიდველი ანგარიშსწორებას ახორციელებს მიმწოდებლის მიერ ფაქტიურად გაწეული მომსახურების ღირებულების მიღება-ჩაბარების აქტისა და ანგარიშ-ფაქტურის წარმოდგენიდან 10 სამუშაო დღის განმავლობაში. მიმწოდებელი უფლებამოსილია შემსყიდველს მოსთხოვოს გაწეულ მომსახურებაზე ანგარიშსწორება, მხოლოდ ამ ხელშეკრულების მე-4 მუხლით გათვალისწინებული შესაბამისი მიღება-ჩაბარების აქტის გაფორმების შემდგომ.

2.4. მხარეებს შორის ანგარიშსწორება მოხდება ფაქტიურად გაწეული მომსახურების შესაბამისად.

მუხლი 3. მომსახურების შესაბამისობა

3.1. ხელშეკრულების პირველი მუხლით გათვალისწინებული გაწეული მომსახურება უნდა შეესაბამებოდეს ამ ხელშეკრულების პირობებს და მსგავსი მომსახურების უკვე არსებულ სტანდარტებს.

3.2. 3.1. პუნქტში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს გაწეული მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. მომსახურების მიღება-ჩაბარების წესი

4.1. მიმწოდებლის მიერ მომსახურება მიღებულად ჩაითვლება სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნის საფუძველზე, მხოლოდ შესაბამისი მიღება-ჩაბარების აქტის გაფორმების შემდეგ.

4.2. ამ ხელშეკრულების ძალით გაწეული მომსახურების შემოწმებას და მიღება-ჩაბარებას ახორციელებს შემსყიდველი ორგანიზაციის შესაბამისი სტრუქტურული ერთეული ----- .

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

ა) ხელშეკრულებით ნაკისრი ვალდებულებების შესრულება განახორციელოს ტექნიკური დავალებისა (ტექნიკური დავალება ხელშეკრულებას თან ერთვის) მოცემული და ხელშეკრულებით გათვალისწინებული პირობების შესაბამისად;

ბ) მომსახურების გაწევის პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;

გ) ხელშეკრულებით განსაზღვრული პირობების შესრულებისას საქმის კურსში ჩააყენოს შემსყიდველი ყველა განსაკუთრებული გარემოების შესახებ;

5.2. შემსყიდველი ვალდებულია:

ა) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად;

ბ) მიმწოდებელთან ერთად აწარმოოს ინსპექტირება ხელშეკრულებით გათვალისწინებული პირობების შესრულების მიმდინარეობაზე.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1 ხელშეკრულების ნებისმიერი პირობის შეუსრულებლობის და/ან არაჯეროვნად შესრულებისათვის, დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ყოველ ვადაგადაცილებულ დღეზე ხელშეკრულების ჯამური ღირებულების 0,1% ოდენობით, არაუგვიანეს 14 საბანკო დღეში და უზრუნველყოს დარღვეული უფლების დაუყოვნებლივ გამოსწორება.

7.2. იმ შემთხვევაში, თუ მიმწოდებელზე ხელშეკრულების პირობების დარღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2 (ორი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

მუხლი 8. ინსპექტირება

8.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს მიწოდებული მომსახურების ხარისხის ინსპექტირება.

მუხლი 9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3. ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება,თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)
- ბ) მიმწოდებლის მიმართ მიმდინარეობს გაკოტრების საქმე. (მიუხედავად მისი დაწყების დროისა);
- გ) მიმწოდებლის ქონებას დაედო ყადაღა;
- დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

მუხლი 10. სხვა პირობები

10.1. ხელშეკრულება ძალაში შედის მხარეთა მიერ ხელმოწერისთანავე და მოქმედებს -----.

10.2. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.3. იმ შემთხვევაში, თუ ხელშეკრულებით ნაკისრი ვალდებულებების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

10.4. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.5. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

მუხლი 11. მხარეთა რეკვიზიტები და ხელმოწერები

შემსყიდველი:

ხელმოწერა -----

ბ.ა.

მიმწოდებელი:

ხელმოწერა -----

ბ.ა.

4. დამატებითი ინფორმაცია:

4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიანი ელექტრონული სისტემის შესაბამისი კითხვა/პასუხის მოდულის მეშვეობით ან/და შემსყიდველი ორგანიზაციის სატენდერო კომისიის აპარატში. ქ. თბილისი, ალ.ყაზბეგის ქ. №12, მე-2 სართული. საკონტაქტო პირი: ადმინისტრაციული დეპარტამენტის სახელმწიფო შესყიდვების სამმართველოს უფროსი თინათინ მემმარიაშვილი. ტელ: +995 32 251 07 15. ტექნიკურ საკითხებთან დაკავშირებით: ინფრასტრუქტურის განვითარების დეპარტამენტის ინფრასტრუქტურული ობიექტების მშენებლობის კოორდინაციის სამმართველოს უფროსი ბესიკ შუბითიძე +995 32 2 51 06 61.

რეკვიზიტები

1	პრეტენდენტის იურიდიული ფორმა და დასახელება:	
2	ხელმძღვანელის სახელი და გვარი:	
3	პრეტენდენტის იურიდიული ან/და ფაქტიური მისამართი:	
4	საიდენტიფიკაციო კოდი:	
5	პრეტენდენტის ტელეფონის ნომერი:	
6	ელექტრონული ფოსტის მისამართი:	
7	მომსახურე ბანკი:	
8	ბანკის კოდი:	
9	ანგარიშის ნომერი:	

პრეტენდენტი: -----

(ხელმოწერა)

ბ.ა.

(იხილეთ ექსელის თანდართული ფაილი)

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ❖ ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

- ❖ უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

- ❖ ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.

- ❖ ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.

- ❖ მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- ❖ სატენდერო წინადადების ფასი;
- ❖ სატენდერო წინადადების ფასის გამოთვლის მეთოდი, კოეფიციენტი ან ფორმულა;
- ❖ სატენდერო წინადადების წარდგენა ან წარდგენისგან თავის შეკავება;
- ❖ ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.

- ❖ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.

- ❖ სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

- ❖ გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.